

Мутриб Хонахароб ғазаллари

Мумтоз адабиёт тарихидан маълумки, шоирлар шеърларидан девон, баёз тузганлар. Шунингдек, муайян шахслар, хусусан, хукмдорлар фармонига кўра, улар шеърларидан териб жамланган мунтахаб/интихоб девонлар ва баёзлар ҳам мавжуд. Ижодкорнинг тўлиқ, терма девонлари ва баёзлари таркибидаги шеълар қиёслангандаги таркибий ва матний фарқлар учрайди. Уларнинг қиёсий тадқиқи эса шоир адабий меросини тўлдиришга хизмат қиласиди. Мана шу жиҳатни хивалик шоир Мутриб Хонахаробий ижоди мисолида кўрсатишга ҳаракат қиласиз.

Аввало, у яшаган даврга эътибор қилсак, XIX аср охири – XX аср бошларида Хоразмда Муҳаммад Раҳимхон I Феруз (1844–1910; хукмронлик йиллари 1864–1908) атрофида ўзига хос адабий муҳит юзага келди. Бу даврда Табибий (1869–1911), Баёний (1840–1923), Аваз Ўтар (1884–1919), Чокар (1872–1951), Мутриб (1853–1923) каби ижодкорлар етишиб чиқди. Уларнинг бизгача етиб келган асарлари ана шу адабий муҳит ҳақида муайян тасаввур беради. Мазкур муҳитдаги аксарият шоирлар зуллisonайн бўлиб, ўзбек ва фоср тилларида бирдек қалам тебратганлар. Хон фармонига биноан, кўплаб шеърхонлик кечалари уюштирилган, баҳру байтлар, ғазалхонлик мусобақалари ташкил қилинган, шоирлар янги шеърларидан намуналарни мажлис аҳлига ўқиб беришган. Шунингдек, Хива адабий муҳитидаги ижодкорлар фаолиятини ифодаловчи баёзлар, тазкиралар, мунтахаб (сайланма/терма) девонлар мажмуаси тузилган, шоирлар шеърларини девон, мухаммасот, ғазалиёт, рубоиёт, маснавиётларда каби мажмуаларда жамлаганлар, улар малакали котиблар томонидан кўп нусхада кўчирилган. Ҳозирги кунда бу асарларнинг муайян қисми Ўзбекистон Республикаси Фанлар академияси Шарқшунослик институти ҳамда Хива Иchan қалъя музейи қўллөзмалар фондида сақланмоқда.

Муҳаммад Ҳасан девон Ҳожи Табиб ўғли Мутриб¹ лирик мероси жамланган қўллөзма девонлар ҳам мазкур манбалардан ҳисобланиб, унинг

¹ Манбаларда Мутриб Хонахаробнинг Хоразмда туғилганлиги эътироф этилгани ҳолда унинг таваллуд санаси 1852, 1860, 1865, вафоти санаси эса 1922, 1925 тарзида турлича келтирилган. [Бу ҳақда қаранг: 9: 182; 10: 474; 1: 165–166; 8: 6–7; 12: 115–128]. Бироқ унинг замондошлидан Лаффасий Мутрибининг 1923 йилда вафот этгани, Бобоҷон Тарроҳ-Ходим эса 70 йил умр кўргани тўғрисида ёзиб қолдирганлар. Мазкур маълумотлардан келиб чиқкан ҳолда Мутриб 1853 йилда туғилиб, 1923 йилда вафот этган, деган хulosага келиш мумкин. [Қаранг: 13: в. 139; 2: 136–140].

учта нусхаси ЎзР ФАШИ фондида 2679/II, 903/V, 906/VII ашё рақамлари остида сақланмокда [7: вв. 82б–234б; 5: вв. 203б–273а; 6: вв. 248а–281б]. Булардан ташқари, изланишларимиз натижасида Мутриб шеърлари киритилган 1184 ашё рақамли баёз ҳам мавжудлиги аниқланди. Девонлар ва баёз таркибидаги шеърларни қуийдаги тасниф асосида таҳлилга тортишини мақсад қилдик:

1. *Девонга киритилган шеърлар.*
2. *Девон ва баёз таркибида мавжуд, бироқ матний ўзгаришилари аниқланган газаллар.*
3. *Баёз таркибида мавжуд, бироқ девонда учрамайдиган газаллар.*

Аввало, таъкидлаш жоизки, ЎзР ФАШИ фондида сақланаётган 2679/II, 903/V, 906/VII ашё рақамли девонлари сайланма – терма девонлар бўлиб, уларга Мутрибнинг муайян шеърларигина танлаб киритилган. Мазкур девонлар бошқа шоирларнинг ҳам худди шу каби терма девонлари жамланган мажмуя таркибидан ўрин олган [5; 6; 7].

Девонга киритилган шеърлар. 2679/II ашё рақамли девони 1326/1908 йилда котиб Мулла Адбулкарим ибн Мухаммад Раҳим Марҳумий ибн Паҳлавон Ниёз Мирзобоши Марҳумий томонидан кўчирилган. Девон қўлёзманинг 82б–234б сахифаларида ўрин олган. Унга шоирнинг ўзбек (туркӣ) ва форс тилларида ёзган 700 дан ортиқ ғазал, 7 та мухаммас, Навоийнинг “Тун оқшом келди кулбам сори ул гулруҳ шитоб айлаб”, “Улки, солғай шуъла аъзосиға ўтлуғ оҳлар”, “Мувафиқ келдилар бўлмиш магар наврӯз ила байрам”, Ферузнинг “Кўзум пур, пари орази падидор¹ этди-у кетди”, “Гул юзинг очиб, эй гул, мажлисим гулистон қил”, “Очилмиш гул, етурмиш боға зийнат, эй санам, келгил”, Равнақнинг “Келгил, эй моҳлико, нодираи давроним”, Амирнинг “Базм аро ҳар дам лабинг маҳмурига қондур аваз”, Муниснинг “Хиромон қоматингким, гулшан умрим ниҳолидур” деб бошланувчи ғазалларига боғлаган 9 та тахмиси, шунингдек, ўзбек тилидаги 5 та мусаддас ҳамда 2 та қасидаси киритилган [7: 82б–234б].

903/V ашё рақамли девони 1325/1907 йилда котиб Мулло Каримберган девон ибн Раҳимберган томонидан кўчирилган. Шоирнинг бу қўлёзма девонига ўзбек ва форс тилларидаги 430 дан ортиқ ғазали, 14 та мухаммас, ҳамда 2679/II ашё рақамли қўлёзма девонда келтирилган Навоий, Феруз, Равнақ, Амир, Мунис ғазалларига боғлаган 9 та тахмиси, ўзбек тилидаги 2 та мусаддас ва 1 та қасидаси киритилган [5: 203б–273а].

906/VII ашё рақамли девонининг кўчирилган йили қайд этилмаган, *Xаррот* тахаллусида шеърлар ёзган Мулло Болта Ниёз уста Курбонниёз

¹ Пайдо этмоқ, кўрсатмоқ, аниқ қилмоқ [11: 495].

котиб томонидан тартиб берилган. Мазкур нусхада Мутрибнинг ўзбек ва форс тилларида ёзган 225 дан ортиқ ғазал, 5 та ўзбек ва форс тилидаги мухаммас, Ферузнинг “Очилимиш гул, етурмиш боға зийнат, эй санам, келгил” мисра билан бошланувчи ғазалига боғланган тахмис, шунингдек, ўзбек тилида ёзилган 5 та мусаддас, 1 та қасида каби жанрларда ёзилган шеърлари жамланган [6: 248а–281б].

Девон ва баёз таркибида мавжуд, бироқ матний ўзгаришлари аниқланган ғазаллар. Баёздаги шеърлар пушти рангли фабрика қозозига қора сиёҳ билан чиройли настаълиқ хатида кўчирилган, сарлавҳалар қизил сиёҳда ажратилган. Матн қия ҳолатда икки устунда саҳифасига ўртача 12 сатрдан жойлаштирилган. Ҳар бир шеър рақамланган. Шеърлар “Ғазали Мутриб Ҳонахароб”, “Ғазали Табибий” каби жумлалар билан сарлавҳаланган. 308 бетдан иборат, бошида 2, охирида 4 варақ бўш қолдирилган. Баёз қаттиқ тўқ яшил картон билан муқоваланган. Муқова устига босма нақш туширилган, яхши сақланган. Ўлчами: 18x11.

1184 ашё рақамли баёз ҳам Абулғози Сайид Мухаммад Раҳим Баҳодирхон Феруз фармонига биноан, 1328/1910 йилда *Чокар тахаллусида шеърлар битган* Мулла Муҳаммад Юсуф котиб томонидан кўчирилган. Мазкур маълумот кўлёзма баёз колофонида қуидагича қайд этилган: “*Алҳамдуиллаҳ ва-л-минна ушбу баёзким, бо амри султон аз-замон ва нодири даврон боиси ал-армон ва-л-амон, аъни Абулмузффар ва-л-мансур Абулғози Сайид Муҳаммад Раҳим Баҳодурхон ул жанобни фармонлари бирла фақир ал-ҳақиқир Мулла Муҳаммад Юсуф ал-мутахаллиси би-л-Чокар ибн Муҳаммад Юсуф девон мулаққаби ба Ҳаррот ёзиб итмоми сарҳадига еткурди. Сана 1328*”.

Баёзда Мутриб, Девоний, Роғиб, Ғозий, Чокар, Амирий, Юсуф, Шиносий, Аваз, Содиқ, Ходим, Иноят, Камолий, Надимий, Асад, Пуркомил, Нозир, Музниб, Ҳақирий, Хокий, Мирзо каби йигирма икки нафар шоир ғазаллари жамланган. Жумладан, баёзга Мутрибнинг 23 та ғазали киритилган бўлиб, уларнинг 10 таси форс, 13 таси ўзбек тилида ёзилган.

Девонлар ва баёз таркибидаги асарлар қиёсидан шоирнинг “Иstab”, “Аёндур”, “Айб”, “Не дерсан” радифли ғазаллари 2679/II ашё рақамли девонида мавжуд бўлгани холда девоннинг 903/V, 906/VII нусхалари таркибида учрамаслиги аён бўлди. Мазкур ғазалларнинг девон ва баёзда келтирилган матни қиёсланганда эса “Иstab”, “Айб” радифли ғазаллар матнида айрим фарқлар кузатилди.

Шоирнинг лирик мазмундаги “*Боқарман ҳар тарафга бир қади сарви равон истаб*” мисраси билан бошланувчи ғазал ҳазажи мусаммани солим (V- - -/V- - -/V- - -/V- - -) вазнида ёзилган. Унинг иккинчи байти биринчи

мисрасидаги “лабларидинким” сўзи баёзда “лабларингдин” шаклида ифодаланган:

1. Девонда:

Чиқарга етти жоним орзуи лабларидинким,

Висоли жаннатин кулбамга бир тун меҳмон истаб [7: в. 90а].

2. Баёзда:

Чиқарга етти жоним орзуи лабларингдин,

Висоли жаннатин кулбамга бир тун меҳмон истаб [4: в. 2а].

Ғазалнинг иккинчи байти биринчи мисрасидаги “лабларидинким” сўзи баёзда “лабларингдин” шаклида ифодаланган. Шахс қўрсаткичи ва вазн ўзгариши натижасида, баёзда сакталик вужудга келган:

1. *Чиқарга етти жоним орзуи лабларидинким*, шаклида – маъшуқанинг (мавхум – III шахс бирликда) лаблари орзусидан жоним чиқиб кетай деяпти, жумласи назмда 15 бўғинда айтилган.

2. *Чиқарга етти жоним орзуи лабларингдин*, шаклида – сенинг (аниқ – II шахс бирликда) лабларинг орзусидан жоним чиқиб кетай деяпти, жумласи назмда 14 бўғинда ифодаланган.

Юқорида келтирилган ғазал мисрасидаги сакталик баёзда кузатилган бўлса, энди девон таркибидаги рамали мусаммани мақсур/маҳзуф (V - - -/V - - -/V - - -/- V - (-V~) вазнида ёзилган “*Кўйи ишқингда ҳазин кўнглумни қон этмаклик айб*” мисраси билан бошланувчи ғазалга эътибор қиласлил. Унинг 2-байти биринчи мисрасида ҳам шундай номувофиқликни кузатиш мумкин. Яъни:

Ижтиноб_ила мани маҳруми рухсор айлабон,

Ўзгаларни лабларингдин комрон этмаклик айб [7: в. 73б].

Иҳтисоб_ила мани маҳруми рухсор айлабон,

Ўзгаларни лабларингдин комрон этмаклик айб [4: в. 89а].

Луғатда “иҳтисоб” сўзи ҳисоб олиш, ҳисоблаш, таъқиқлаш, текшириш каби маъноларга эга [14: 295]. “Ижтиноб” сўзи эса узоқланиши, сақланиши, тортиниши, чекиниши, қочиши маъноларни ифодалайди [14: 265]. Демак, бу ўринда матн мазмуни “ижтиноб” сўзи бўлишини талаб этади.

Баёз таркибидаги “Истар”, “Бўлдум” радифли ғазаллар матни қиёсий тадқиқ этилганда терма девон (инв. 2679/II) таркибида мавжуд, лекин матни буткул ўзгача эканлиги маълум бўлди.

Баёз таркибида мавжуд, бироқ терма девонда учрамайдиган ғазаллар. Баёздаги “Истар”, “Бўлдум”, “Мандурман”, “Этибдур”, “Билгил” “Айларам”, “Ўзум” радифли ҳамда “Фифоним, бўлмишам хажрингда ношод”, “Санго дерман эшиит, эй сарви қомат” деб бошланувчи жами 9 та

ғазали эса нафақат 2679/II ашё рақамли девон, балки мавжуд бошқа девонлар таркибига ҳам киритилмагани аниқланди. Бизнингча бунинг сабаби, шоирнинг 2679/II ашё рақамли девони 1908 йилда, бошқа девонлари ҳам шу санадан аввал, баёз эса 1910 йилда тузилган. Яъни баёз нисбатан кейин тузилган, орадаги муддат мобайнида шоир яратган янги асарлари ушбу баёздан ўрин олган қўринади. Ғазаллар шакл ва мазмун жиҳатидан шоир девонидаги шеърларга мутаносиб тарзда ижод қилинган.

Айни пайтда, айрим ғазаллардаги сўзларнинг ишлатилишида баъзи камчиликлар ҳам кўзга ташланди. Масалан, шоирнинг “Билгил” радифли ғазали матлаасидаги мазкур сўз “Келгил” тарзида, иккинчи байтдаги “тушгач” сўзи эса “кушгач” шаклида кўчирилган, табиийки, бу байт мазмунига ҳам таъсир кўрсатган. Шунга кўра, шеърлардаги баъзи сўзлар имкон қадар мазмунидан келиб чиқиб тузатилди, ўзgartиш қайд этилди:

Күёшисо жамолинг шамъига парвонаман, келгил [билгил],

Туну кун тийра ҳажринг аро ҳайронаман билгил [4: 121аб].

Кўзум қушигач [тушигач]санга, эй дилрабо, билмон нечук бўлдум,

Тушуб бошимга савдои бало билмон нечук бўлдум [4: 132 аб].

Ғазалларга берилган сарлавҳаларда ҳам хатоликлар учрайди. Бу ҳол айниқса, нотўғри илмий маълумотларга олиб келади, жумладан, “Ғазали Мутриб”, деб номланган шеър мақтаъсидаги тахаллус асосида ғазалнинг аслида Рогиб қаламига мансублиги аниқланди:

Рогибо, ул сарви гулрухсор дарди фурқати,

Етгуси жонимга юз ҳар лаҳзада озор ҳайф [4: 66].

Мутриб Хонахароб асарларини нашрга тайёрлашда қўлёзма нусхаларида учрайдиган котиб томонидан йўл қўйилган камчиликларни асарнинг бошқа нусхалари асосида тўғриланган вариантини, агар бундай имконият бўлмаса, шеър қофияси, радифи ва ички мантиқи асосидаги сўз вариантини [...] ичida кўрсатилди [14: 68].

Юқоридаги таҳлиллардан, бугунги кунда Мутриб адабий меросини мукаммалроқ ўрганиш, девонида учрамайдиган асарларини баёзу тазкиралардан тўплаб, жорий нашрларда эълон қилиш зарурати сезилмоқда. Бу ўз навбатида, шоир адабий меросини ҳам поэтик, ҳам сон жиҳатдан бойитишга хизмат қиласи. Куйида Мутриб қаламига мансуб янги аниқланган ғазаллари матнининг табдили илк бор эълон қилинмоқда:

Жамолингдин фуруги истаган парвона мандурман,

Кўруб зебо қадингни рўзи шаб ҳайрона мандурман.

*Шуоъий ҳуснингга тушигач кўзум саҳни чаман ичра,
Бори ақли хираддин ишқ аро бегона мандурман.*

*Етиб жоним чиқарга дам-бадам ваҳми итобингдин,
Туну кун тийги ҳажрингдин дили вайронга мандурман.*

*Малолат фоши этиб, беҳади сон ҳар нолишиимдинким,
Улусга шавқ аро субҳу масо афшиона мандурман.*

*Тутуб жонимга миннат ҳасрати ҳажрингни, эй дилбар,
Нечадарди гамингга доимо гамхона мандурман.*

*Ҳазин кўнглумга ишқинг гуссасини интихоб¹ айлаб,
Фироқинг оташига дам-бадам сўзона мандурман.*

*Нечук осуда бўлсун Мутриби саргашта бу гамдин,
Фигонким, ҳасрати ҳажринг била ҳамхона мандурман [4: 85a].*

Вазни: ҳазажи мусаммани солим.

Тактеъси: мафоийлун, мафоийлун, мафоийлун, мафоийлун
(V - - - / V - - - / V - - - / V - - -).

*Ҳазин кўнглум қўзингдин дам-бадам нози адo истар,
Гулистони висолингдин буким, бўйи вафо истар.*

*Ажаб дилхастадурман, кеча-кундуз тор ҳажр ичра,
Юзингдин тийра кўнглум ҳар нафас нури зиё истар.*

*Буким, Мажнун киби субҳу масо бемор ишқингдин,
Лабингни шарбатидин нотавон жоним даво истар.*

*Не журмимдин била олмон ниғоро қайд ҳижронинг,
Дилимни мургин айларга туну кун мубтало истар.*

*Не, деб хомуши ўлай, аҳбоблар, ёрим манго ҳар дам,
Берурга зулми ҳажридин неча турлук жазо истар.*

¹ Сайламоқ, танламоқ [11: 276].

*Халос эттәй ҳазин жонимни озори фироқидин,
Била олмон, бу ёнглиг жавр ила не муддао истар.*

*Нечук ўртманмайин, жено рамузинг ваҳки, Мутрибдин,
Бу ёнглиг ишқ аро икки кўзум қонин каво истар [4: 86б].*

Вазни: ҳазажи мусаммани солим.

Тақтөси: мафоийлун, мафоийлун, мафоийлун, мафоийлун
(V - - - /V - - - /V - - - /V - - -).

*Фигонким, бўлмиишам ҳажерингда ношод,
Даме бўлмай бало қайдидин озод.*

*Олиб базм ичра илкингга қадаҳни
Нигоро айламассан бир кеча ёд.*

*Фироқинг меҳнати доим муҳайё,
Қилурман ул жиҳатдин оҳу фарёд.*

*Тутуб кўнглумни ваҳким, лашкари гам,
Майи лутфинг била қил они барбод.*

*Бўлуб тарки жафо бу нотавонга,
Вафо расмини, эй гул, айла бунёд.*

*Фироқинг зулмидин вайрон эрурман,
Ҳазин кўнглумни қилгил эмди обод.*

*Ўлар муддатга етди эмди Мутриб,
Итобинг гуссасидин, эй санам, дод [4: 87а].*

Вазни: ҳазажи мусаддаси маҳзуф.

Тақтөси: мафоийлун, мафоийлун, фаъувлун
(V - - - /V - - - /V - -).

*Санго дерман эшишт, эй сарви қомат,
Жаҳон ичра илоҳо, бўл саломат.*

*Ҳазин жонимга гар раҳм эттас эрсанг,
Мани ўлтургуси таъни маломат.*

*Бўлуб ғам даштигаким, кеча-қундуз,
Етар жонимга ҳажрингдин минг офат.*

*Келиб лутф айлабон ёнимга бир тун,
Манго еткур висолингдин шарофат.*

*Бўлубдур интихоб ишқинг ғамидин,
Кўнгул кошонасида мунча меҳнат.*

*Итобу ижтиюбингдин нигоро,
Аёндур дам-бадам турлук касофат.*

*Висолинг лаззатидин, эй суманбар,
Қачон етгай ҳазин Мутрибга роҳат [4: 88б].*

Вазни: ҳазажи мусаддаси маҳзуф.

Тақтеъси: мафоийлун, мафоийлун, фаъувлун
(V - - - /V - - - /V - -).

*Ғаминг қўнглум уйин вайрон этибдур.
Фироқинг кўзларим гирён этибдур.*

*Топай, деб тоза жон қилсан таманно,
Лабингни шавқи бағрим қон этибдур.*

*Итоб ичра солиб жон ваҳмин ондоқ,
Юзимни ҳажср аро гирён этибдур.*

*Ниҳон айлаб гулистанни жамолин,
Ҳазин қўнглум қушин нолон этибдур.*

*Уқубат бирла шавқ ўтига ҳар дам,
Дили жонимни чун сўзон этибдур.*

*Қилиб бемор, ғам даштида ваҳким,
Мани саргаиштайи ҳижрон этибдур.*

*Нечук ўртансасун Мутриб туну күн,
Күёшосо юзин пинхон этибдур [4: 114аб].*

Вазни: ҳазажи мусаддаси маҳзуф.

Тақтеси: мафоийлун, мафоийлун, фаъувлун
(V - - - /V - - - /V - -).

*Күёшосо жамолинг шамъига парвонаман, келгил(билгил),
Туну күн тиіра ҳижронинг аро ҳайронаман билгил.*

*Нигоро ганжси васлинг бирла обод ўлмайин ваҳким,
Фигонким, тиіги фурқатдин дили вайронаман билгил.*

*Эрурман ўтга тушеган қыл киби савдоий ишиқ ичра,
Буким, шавқ оташига рўзи шаб сўзонаман билгил.*

*Туну күн, эй суманбар, ҳасрати ҳажрингга шак айлаб,
Бори дарди ғамингга дам-бадам ғамхонаман билгил.*

*Fами кўйингда ҳар дам нолаи фарёд этиб зоҳир,
Халойиқга сурури ишиқ аро афсонаман билгил.*

*Кўруб юз ноз ила рухсори тобонинг бориб ўздин,
Хираддин, эй пари, субҳу масо бегонаман билгил.*

*Боқиб ҳар ён сори минг нола бирлаким, ҳазин Мутриб
Дамодам интизор наргиси мастанаман билгил [4: 121аб].*

Вазни: ҳазажи мусаммани солим.

Тақтеси: мафоийлун, мафоийлун, мафоийлун, мафоийлун
(V - - - /V - - - /V - - - /V - - -).

*Кўзум к(m)ушгач санга, эй дилрабо, билмон нечук бўлдум,
Тушуб бошимга савдоий бало билмон нечук бўлдум.*

*Ҳалос ўлмай ҳазин жоним даме ташвиши ҳажрингдин,
Ғамингда рўзи шаб қадим дуто билмон нечук бўлдум.*

*Итоб ижтиинобинг лаҳза таскин эрмас, эй дилбар,
Ва ё, қилдимму кўб, саҳву хато билмон нечук бўлдум.*

*Қачон қилсан таманно жаннатосо лаззати васлинг,
Ёғар бошимга шамишири жафо билмон нечук бўлдум.*

*Ўларга етганимни англабон қилмай тараҳхумким,
Лабингдин йўқ манго хайри саҳо билмон нечук бўлдум.*

*Мани юз ваъдайи ёлгон ила маҳруми васл айлаб,
Тополмай, ман аҳдингдин вафо, билмон нечук бўлдум.*

*Ажаб Мутриб киби ғам қайдидин озодлиғ топмай,
Куюб ишқ ўтига субҳи масо билмон нечук бўлдум [4: 132аб].*

Вазни: ҳазажи мусаммани солим.

Тақтеъси: мафоийлун, мафоийлун, мафоийлун, мафоийлун
(V - - - /V - - - /V - - - /V - - -).

*Гул юзинг шавқида түн-кун оҳ, афғон айларам.
ЛАҲЗА-ЛАҲЗА булбул кўнглумни нолон айларам.*

*Интихоб айлаб ғами ҳажрингни ваҳким, рўзи шаб,
Жон кўнглумда бори дардингни пинҳон айларам.*

*Ахтариб топмай висолинг шаҳдидин ҳаргиз асар,
Фурқатинг дашибида доим ўзни ҳайрон айларам.*

*Юз тазарруълар била зотингга йиглаб эмдиким,
Ҳар не журмим бор эса ондин пушаймон айларам.*

*Хун ашкимдин жаҳон ҳар лаҳзада тӯфон ўлуб,
Интизорингдин ики чаимимни гирён айларам.*

*Ким кириб баҳри жунунга сарбасар жони дилим,
Ҳар дам ишқинг ўтига бағримни бирён айларам.*

*Еткуруб оҳим шарорин Мутрибосо, чарх уза,
Нолишиимдин юз малолатлар намоён айларам [4: 134б].*

Вазни: рамали мусаммани маҳзуф.

Тақтөси: фоилотун, фоилотун, фоилотун, фоилун
(- V - - /- V - - /- V - - /- V -).

*Дарди ишиқингдин ажаб Мажнун киби бемор ўзум,
Фурқатинг дашибидаким, шаб рўзи, хору зор ўзум.*

*Гулшани ҳуснинг ҳавосида чекиб оҳу фигон,
Булбулосоким, саҳарлар уйқудин бедор ўзум.*

*Лабларинг шавқи ўлар ҳолатга еткурмии мани,
Бодайи лаълингга, эй ширин лиқо, хуммор ўзум.*

*Раҳм қилғил, бир нафас ҳоли ҳаробимни кўруб,
Тийги ҳажрингдин туну кун бу дили афгор ўзум.*

*Мурғ дилни гуссайи ҳажр ичра хомуши айлабон,
Доги ишиқингдин нигоро кўзлари хубнор ўзум.*

*Айларам субҳи масо хоки дурингни орзу,
Даҳр аро не эрса коминг жон ила тайёр ўзум.*

*Еткуруб оҳим шарорин лаҳза-лаҳза чарх уза,
Гул юзунгга кечакундуз Мутрибосо, зор ўзум [4: 135аб].*

Вазни: рамали мусаммани маҳзуф.

Тақтөси: фоилотун, фоилотун, фоилотун, фоилун
(- V - - /- V - - /- V - - /- V -).

Фойдаланилган адабиётлар

1. Абдугафуров А. Мутриб / Ўзбекистон миллий энциклопедияси. Т. VI. Тошкент, 2003. Б. 165–166.
2. Бобожон Тарроҳ – Ходим // Хоразм шоир ва навозандалари / Табдил этиб, нашрга тайёловчи Анбара Отамуродова ва Олланазар Абдураҳимов. Тошкент, 2011. Б. 136–140.
3. Мадиримова С. Мутриб Хонахаробий асарлари қўлёзмаларининг илмий тавсифи // Олтин битик. Тошкент, 2019. №3. Б. 125–155.

-
-
- 4. Мутриб Хонахароб. Баёзи ашъор. ЎзР ФАШИ қўлёзмаси, инв. №1184. Вв. 2–135.
 - 5. Мутриб Хонахароб. Девони Мутриб. ЎзР ФАШИ Асосий фонди қўлёзмаси, инв. № 903/V, Вв. 203б-273а.
 - 6. Мутриб Хонахароб. Девони Мутриб. ЎзР ФАШИ Асосий фонди қўлёзмаси, инв. № 906/VII. Вв. 248а-281б.
 - 7. Мутриб Хонахароб. Девони Мутриб. ЎзР ФАШИ X.Сулаймон фонди қўлёзмаси, инв. № 2679/II. Вв. 82б-234б.
 - 8. Пирназаров М. Мутриб Хонахаробийнинг ижодий йўли. Филол. фан. ... дисс. Тошкент, 1973.
 - 9. Собрание восточных рукописей академии наук ССР. (СВР) / Под ред. А. Урунбаева, Л. Епифановой. Т. VII. Опис. №5270. Ташкент, 1964.
 - 10. Собрание восточных рукописей академии наук Республики Узбекистан. Литература (Диваны) / Подг. к изд. Х. Луфуллаев, С. Файзиева, О.Мадалиева. Т. I. Тошкент, 2017.
 - 11. Шамсиев П., Иброхимов С. Навоий асарлари лугати. Тошкент, 1972.
 - 12. Ўзбек адабиёти. Хрестоматия / Воҳид Зоҳидов таҳрири остида. Т. V. II китоб. Тошкент, 1968.
 - 13. Ҳасанмурод кори Муҳаммад ўғли Лаффасий. Хива шоир ва адабиётчиларининг таржимаи ҳоллари. Тазкиралари. ЎзР ФАШИ қўлёзмаси, инв. № 9494.
 - 14. Sirojiddinov Sh. Matnshunos saboqlari. Toshkent, 2019.

C. Мадиримова

Мутриб Хонахароб ғазаллари

XIX асрнинг охири – XX аср бошларида Хоразмда Муҳаммад Раҳимхон Феруз соний саройида ўзига хос адабий муҳитни ташкил қиласиди. Бу даврда Табибий, Мутриб, Баёний, Аваз Ўтар, Чокар, Шиносий каби ижодкорлар фаолият юритганлар. Мазкур муҳитдаги аксарият шоирлар зуллисонайн бўлиб, ўзбек ва форс тилларида бирдек қалам тебратганлар. Хон фармонига биноан, кўплаб шеърхонлик кечалари уюштирилган, баҳру байтлар, ғазалхонлик мусобақалари ташкил қилинган, шоирлар янги шеърларидан намуналарни мажлис ахлига ўқиб беришган. Шунингдек, Хива адабий муҳитидаги ижодкорлар фаолиятини ифодаловчи баёзлар, тазкиралар, мунтахаб (сайланма) девонлар мажмуаси тузилган, шоирлар шеърларини девон, муҳаммасот, ғазалиёт, рубоиёт, маснавиётларда жамлаганлар, улар малакали котиблар томонидан кўп нусхада кўчирилган. Ҳозирги кунда бу асарларнинг муайян қисми Ўзбекистон Республикаси

Фанлар академияси Абу Райхон Беруний номидаги Шарқшунослик институти ҳамда Хива Ичан қалъа музейи қўлёзмалар фондида сақланмоқда. Улар қаторида хивалик зуллисонайн шоир Мухаммад Ҳасан девон Ҳожи Табиб ўғли Мутриб Хонахароб адабий мероси ҳам мавжуд бўлиб, шоир шеърлари №№ 2679/II, 903/V, 906/VII ашё ракамлари терма девон ва баёзлар таркибидан ўрин олган.

Маълумки, айрим баёзларда шоир девонига киритилмаган шеърларни ҳам учратиш мумкин. Шундай баёзлардан бири, Феруз фармонига кўра, Мулла Мухаммад Юсуф Чокар ибн Мухаммад Юсуф девон *Харром* томонидан кўчирилган бўлиб, унда Мутриб билан бир қаторда яна 21 та шоирнинг ғазал жанридаги шеърлари келтирилган. Мазкур баёз ЎзРФА Шарқшунослик институти асосий фондида 1184 ашё раками билан сақланади.

Мақолада Мутриб Хонахаробнинг адабий мероси ҳақида сўз юритилиб, унинг ЎзРФАШИ фондида сақланаётган терма девонлари ва баёзга киритилган шеърлари адабий манбашунослик-матншунослик аспектида ўрганилди.

Таркибий тадқиқ натижасида баёздаги 9 та ғазалнинг қўлёзма девонда мавжуд эмаслиги, тўртта ғазал матнининг қўлёзма девондаги нусхаси билан қиёсий таҳлили орқали фарқлари ва манбаларнинг кўчирилишидаги айрим камчиликлар кўрсатилди. Шоир девон қўлёзмаларида учрамайдиган тўқизта туркӣ ғазалининг тўлиқ матни табдили илк бор эълон қилинмоқда.

Калим сўзлар: баёз, қўлёзма, газал, колофон, шеър, вазн, радиф, қофија, Мутриб Хонахароб.

C. Мадиримова

Газели Мутриба Ханаҳараба

В конце XIX – начале XX века в Хорезме Мухаммед Рахимхан Феруз второй создал уникальную литературную атмосферу в своем дворце. В этот период работали такие творческие созидатели такие, как Табиби, Мутриб, Байани, Аваз Утар, Чокар, Шинаси. Большинство из них были двуязычными и писали на узбекском и персидском языках. В соответствии с указом хана было организовано много поэтических вечеров, *бахру-байты*, конкурсы газелей, где поэты читали образцы своих новых стихов. Составляли *байазы* (Сборник выбранных стихов разных поэтов), *тазкиры* (Антологии), мунтахабские – выбранные *диваны* творческих созидателей литературной среды Хивы. А также стихи поэтов были собраны в их *деванах* (Сборник стихов), *мухаммасатах* (Сборник упятеренных/пятистишников), *газалийатах* (Сборник газелей), *рубайатах* (Сборник четверостишие-дубайти), *маснавийатах* (Сборник

сдвоенный стихов). Они были скопированы во многих экземплярах квалифицированными каллиграфами. В настоящее время значительная часть этих произведений хранится в рукописном фонде Института востоковедения им. Абу Райхана Беруни Академии Наук Республики Узбекистан и музее Хивы Иchan Кала. Среди них имеется литературное наследие двуязычного (зуллисанайн) хивинского поэта Мутриба Xанахараба, сына Мухаммад Хасан Деван Хаджи Табиба (1853–1923). Его стихи включены в состав избранных *деванов* № 2679/II, 903/V, 906/VII и *байазов*.

Известно, что в некоторых *байазах* встречаются стихи не вошедшие в *диван* поэта. Один из таких *байазов*, был переписан Муллой Мухаммад Йусуф Чакар бин Мухаммад Йусуф Деван Харратом, согласно указу Феруза, в который вошли стихи Мутриба и еще 21 поэтов, написанные в жанре *газель*. Этот источник сейчас хранится в главном фонде Института востоковедения Академии наук Узбекистана под номером 1184.

В статье рассматривается литературное наследие Мутриба Xанахараба, включенные в избранный *диван* и *байаз*, которые хранятся в фонде ИВ АН РУз. Они изучались в аспекте литературного источниковедения и текстологии.

В результате проведенного структурного исследования были выявлены, что 9 газелей из *байаза* отсутствуют в *диване*, а также сравнительным анализом текстов четырех газелей с копией рукописным *диваном* были показаны различия и некоторые недостатки при копировании источника. Впервые публикуется полный текст 9 тюркских газелей в транслитерации, которые не вошли в список рукописного дивана поэта.

Ключевые слова: *байаз*, *рукопись*, *газель*, *колофон*, *стих*, *метрика*, *строфа*, *рифма*, *Мутриб Xанахараб*.

S. Madirimova

Mutrib Khanakharab's ghazals

In the end of the 19th and the beginning of the 20th centuries, Muhammad Rahimkhan Feruz the Second created a unique literary environment in his palace in Khwarazm. Among the prominent poets who were active during this period were Tabibi, Mutrib, Bayani, Avaz Utar, Chokar and Shinasi. The majority of them were bilingual and composed both in Uzbek and Persian. Lavish poetic nights, bayt and ghazal competitions were organized according to the ruler's order, during which poets recited the samples of their new works. In the literary environment of Khiva bayaz, tazkira and muntakhab collections were compiled as well as various devans, mukhammasat, ghazaliyat and rubaiyat, which were copied by qualified scribes. At present, the significant part of these works are

kept in the manuscript fund of Abu Rayhan Beruni Institute of Oriental Studies of the Academy of Sciences of the Republic of Uzbekistan and in Ichan Qal'a Museum of Khiva. Among those one finds the literary heritage of the bilingual poet of Khiva, Mutrib Khanakharab son of Muhammad Hasan divan Hajji Tabib (1853–1923). His poetry were included in the collections of divans and bayaz under the inventory numbers of 2679/II, 903/V, 906/VII.

It is known that some bayaz collections contain Mutrib's verses not included in his own divan. One of such bayaz collections was copied by Mulla Muhammad Yusuf Chikar bin Muhammad Yusuf divan Kharrot according to the order of Feruz. In addition to Mutrib's verses, this collection includes ghazals ascribed to other 21 poets. This source is kept today in the main collection of Abu Rayhan Beruni Institute of Oriental Studies under the inventory number 1184.

The article provides a textual analysis of the literary heritage of Mutrib Khanakharab based on the divan and bayaz collections located in the manuscript collection of Abu Rayhan Beruni Institute of Oriental Studies.

Keywords: *bayaz, manuscript, ghazal, colophon, verse, meter, line, rhythm, Mutrib Khanakharab.*

Ф. Тұхтамуратов

Мұхсиний девони қўлёзмалари ва шеърларининг матн ҳусусиятлари

XIX аср охири – XX аср бошлари Қўқон адабий муҳити ривожига Муқимий (1850–1903), Фурқат (1859–1909), Завқий (1853–1921), Мұхаййир (1842–1918), Ҳазиний (1867–1923) сингари ижодкорлар қатори Ҳусайнқули Сулаймонқули ўғли Мұхсиний (1860–1917) ҳам катта хисса қўшган шу даврда ижод қилган забардаст шоирлардандир.

Мұхсиний дастхат девонларининг бир нусхаси Ўзбекистон ФА Абу Райхон Беруний номидаги Шарқшунослик институти қўлёзмалар фондида 7392 ашё рақам остида,Faфур Ғулом номидаги Фарғона вилоят Адабиёт музейи қўлёзма асарлар фонди инв. № 4303 ашё рақами билан сақланади. “Шунингдек, иккита қўлёзма девони ҳозирги кунда Мұхсинийнинг Қўқон шаҳрида яшаётган невараси Тўхтасинжон Нуриддиновнинг шахсий кутубхонасида сақланмоқда” [4: 8].

Ушбу мўжаз мақоламиизда ЎзРФА Шарқшунослик институти фондида 7392 ашё рақам билан сақланаштган Мұхсинийнинг дастхат девони